

TE MAHERE TAI OHI

2020-2022

Te huri i te Reo ki te Mahi
– Te Waihanga me Te Whakaora Anō



MINISTRY OF
YOUTH DEVELOPMENT
TE MANATŪ WHAKAHIAITO TAI OHI

Administered by the Ministry of Social Development

Te Kāwanatanga o Aotearoa



HE KŌRERO WHAKATAKI - TE KŌRERO A TE MINITA TAIOMI

Tēnā koutou

He koanga ngākau kua riro māku Te Mahere Taiohi a Te Kāwanatanga e whakaatu atu hei tohu o tō mātou ngākau nui ki te hunga rangatahi puta noa i te motu. Mā te mahere nei e āwhina ki te whakatutuki i ngā whāinga kua whakaritea i Te Rautaki Oranga Tamariki mā te whakatipu mai i te wawata māia, kaingākau hoki o te Rautaki “Ko Aotearoa te tino wāhi puta noa i te Ao mā te hunga tamariki, taiohi anō hoki”.

E kore koe e ngaro, he kākano koe i ruia mai i Rangiātea

Ka whakaritea ki Te Mahere Taiohi he mahi ka whāia e te kāwanatanga, i te taha o ētahi atu, hei whakangāwari i te pānga mai o Te MATE KORONA ki te hunga rangatahi. Ko tōna whāinga kia mātua whakaritea ka whai wāhi atu te hunga rangatahi ki ngā whakatau e pā ana ki te whakaoranga, hei tautoko i te oranga o te hunga rangatahi, ō rātou whānau hoki, kia hua mai ai te ārahitanga rangatahi, hei kōkiri hoki i te panonitanga whakaaro.

Kua noho kaikini nei te hunga rangatahi ki Aotearoa i a mātou e whakatere tahi ana i ngā pānga tāpua o te MATE KORONA. Kua mīharo katoa au i te nui o te hunga rangatahi i kuhu māia atu ki ngā mahi hei kaimahi mātuatua, i tū rānei ō rātou ringa ki te tautoko i te hunga whakaraerae o te hapori. He kaha, he tūkaha, he mātau hoki te hunga rangatahi ki te ārahi i te panonitanga.

Heoi anō, he nui tonu ngā wero nui kei mua i a rātou te hunga rangatahi. Nā runga i tēnei, me mātua whakarite ka whakanuia te kura o ā rātou mahi, pūkenga, whakaaro hoki, ka mutu, kia nui tā rātou whai wāhi mai ki te hanganga o tētahi

Aotearoa me ūna hua nui, pūmau hoki, mā te katoa o Aotearoa.

I ēnei wā nui whakaharahara, ngākaurua hoki, kua kitea te mahi tahi, ngā rongoā kua whakahaeretia e te hapori, me te auahatanga. Ka whāia kia whakapakarihia ake Te Mahere Taiohi i runga i ngā akoranga i ākona i te wā o Te MATE KORONA hei tautoko i te oranga o te hunga rangatahi i ā tātou e mahi tahi nei ki te waihanga anō, ki te whai oranga anō hoki.

Ka noho papa tonu tātou mō te ao ka whakarērea iho e tātou. He kōwhiringa tā tātou ki te whakaatu i te ngākaunui tūturu ki te whakatūtanga o tētahi taiao whai hua e momoho ai, e eke panuku ai te hunga rangatahi ināianei, ā, haere ake nei. Ka tīmata tēnei i a tātou. He mea nui kia mahi tahi tātou i runga i tētahi mahi e waihanga i ngā āhuatanga me ngā taiao e tika ana e taea ai e te hunga rangatahi te tupu matomato.

Ahakoa he 17% te hunga rangatahi o te taupori, ko te kotahi ūrau rātou o ngā rā e tū mai nei. Ko taku ngākaunui hei Minita Taiohi kia tū hei reo taunaki pakari tonu mā rātou – he mea tino nui tēnei ināianei tonu. Nei rā taku mānuka kua takoto ki mua ki te aroaro o te Kāwanatanga katoa tīkina, kawea!

Tēnā koutou katoa.
Te Hōnō Peeni Hēnare
Minita Taiohi
Hōngongoi 2020

WHAKATAUKI:

E KORE KOE E NGARO, HE KĀKANO KOE I RUIA MAI I RANGIĀTEA

Te Horopaki

Kua tū ki te mura o te ahi te hunga rangatahi,¹ otirā, te katoa o Aotearoa i te pānga mai o tēnei mate urutā hou huri noa i te ao. Inamata, ka hanatu haere a huru pango he tautoko i ngā hoa, i ngā whānau, he mahi tūao hei tautoko i ētahi atu i te hapori, e whai wāhi anō hoki i ngā mahi a ngā kaimahi mātuatua. Kua whakaaturia mai tā rātou pūmanawa ki te ārahi i a rātou e whakatere ana i te au o ngā wā pāhekeheke.

Ka mutu, he wero anō hoki ēnei wā ki te hunga rangatahi. Kua heke te nui o ngā mahi hei mahi tūturu mā rātou, kua piki te taumahatanga ā-hinengaro, kua kārangirangi ngā rā kei mua i te aroaro. Ka nui ake te pānga o te MATE KORONA ki te hunga rangatahi kua tata whakatiki kē. Ka mau roa ngā pānga o tēnei mate urutā, nō reira, he mea nui tā tātou mahi tahi ki te whakangāwari i ēnei.

He mea angitū Te Mahere Taiohi mā te hunga rangatahi, ngā hapori, te rāngai taiohi me ngā hinonga karauna hei tautoko i te oranga o te hunga rangatahi i a tātou ka tahuri atu ki te whakapakari anō kia whai oranga anō ai tātou. Ka whai hua ki ngā hinonga karauna, te rāngai taiohi, ngā hapori me te hunga rangatahi.

Mō tēnei Mahere

Ka whakaritea ki Te Mahere Taiohi he mahi ka whāia e te kāwanatanga, i te taha o ētahi atu, hei whakangāwari i te pānga mai o Te MATE KORONA ki te hunga rangatahi. Ko tōna whāinga kia mātua whakaritea ka whai wāhi atu te hunga rangatahi ki ngā whakatau e pā ana ki te whakaoranga, hei tautoko i te oranga o te hunga rangatahi, ō rātou whānau hoki, kia hua mai te ārahitanga rangatahi, hei kōkiri hoki i te panonitanga whakaaro. Ka whakatutukitia tēnei i tā tātou mahi tahitanga, i te huanga mai o ngā rongoā whai ārahitanga

1. Ka whakamahia hoki te kupu ‘rangatahi’ i roto i tēnei Mahere Taiohi mō te kupu ‘Taiohi’, e rua, e rua.

ā-hapori, i ngā tū hononga, i te hanganga o ngā taiao e whakatupuria ana te auahatanga.

Kei te noho tēnei urupare i te taha o te whānuitanga o ētahi mahi kāwanatanga. Kei te kōkiri panonitanga Te Mahere Taiohi hei wāhanga o Te Rautaki Oranga Tamariki, hei mea whakatakoto i te katoa o te wawata, i ūna mātāpono, i ūna putanga hoki ngā āhuatanga e whāia ana e Te Mahere Taiohi. He mea tautoko hoki i Te Mahere Mahi Whai Mahi Taiohi (i whakapūmautia hei wāhanga o Te Rautaki Whai Mahi), Te Mahere Mahi Oranga Tamariki (kei te whakawhanaketia i tēnei wā tonu), Te Mahere Mahi Whakahoki Oranga ā-Hinengaro, Te Mahere Mahi Noho Kāinga-kore, Te Mahere Mahi Hauātanga, tae atu ki Te Rautaki ā-Motu ki te whakakore i te tūkino whānau, te tūkino taitōkai me ētahi atu.

Ka tū Te Mahere Rangatahi mō ngā tau e rua e tū mai nei kia aro ai ki te panonitanga pūmau, ā haere ake nei, i a Aotearoa e whakaora ake ana i ngā pānga o te MATE KORONA. Hei ngā tau e rua e tū mai nei ka arotakengia, i te wā anō hoki ka arotakengia Te Rautaki Oranga Tamariki. Kei te whakawhanaketia tētahi pou tarāwaho ine kia pai ai te arotakengia o Te Mahere Rangatahi. Ka whakaaroa e te arotake te pānga o ngā mahi i mahia i raro i Te Mahere Rangatahi ki ngā rōpū mātāmuia. Ka whai wāhi mai te hunga rangatahi ki te whakaputa i ō rātou whakaaro ki te arotake kia mātua whakarite ka kawea ō rātou reo i te roanga atu o Te Mahere Taiohi. Ka whai wā ki te whakahou i ngā wāhanga arotahi me ngā mahi whai muri mai i te arotake.

Kei a te Minita Taiohi te haepapa whakatutuki i Te Mahere Taiohi, e ārahia ana e Te Manatū Whakahiatō Taiohi. Me tuku pūrongo ia ono marama ki Te Rūnanga mō Te Mahere Taiohi, ia ono marama, ia tau hoki ki Te Rūnanga me Te Whare Pāremata hei wāhanga o ngā mahi tuku pūrongo mō Te Rautaki Oranga Tamariki.

E KORE KOE
E NGARO, HE
KĀKANO
KOE I RUIA MAI
I RANGIĀTEA

TŌ HAERENGA

HE KĀKANO I RUIA
MAI I RANGIĀTEA

Te pānga o te MATE KORONA ki te hunga rangatahi

Ka mau roa te pānga o te MATE KORONA ki te rangatahi. E ai ki te taunakitanga kei te noho mōrea te hunga rangatahi ki ngā pānga ā-hinengaro, ā-pāpori, ā-hauora, ā-ōhanga, ā-mātauranga hoki i muri i ngā parekura.² Ka whakamōmona ngā āhuatanga o nāianei i te MATE KORONA. Ahakoa ka tere ora ētahi rangatahi i te rāhui me ūna momo pānga, ka oke tonu ētahi atu i ngā marama e tū mai nei, ka takaroa rānei te pānga mai, ka rite tonu rānei te hokihoki o te auē mō ngā tau kei te haramai nei. Ka whai Te Mahere Taiohi ki te whakangāwari i tēnei mā te kōkiri mahi e whakanui ake i te hononga ki te tangata, ki te wāhi, ki te ngohe, mā te tuku hoki i te reo, me te tūranga ārahi i ngā whakatau e pā ana ki te whakaoranga.

Te haumarutanga i te mahi, ā-pūtea hoki

Ka tino pāngia te hunga rangatahi e te hekenga ā-ōhanga e whai mai ana i te MATE KORONA ināianei, ā, haere ake nei. He nui ake te hunga rangatahi kāore i te whai mahi, kāore e whakamahia ana ina whakatauritea ki te iwi whānui. I te tau 2019, 17.9% o te hunga rangatahi 15-19 tau kāore ā rātou mahi ina whakatauritea ki te whakatauranga kore-mahi o te katoa 4%. He iti ake te rangatahi Māori, te rangatahi nō te Moananui a Kiwa me te rangatahi hauā i roto i te mātauranga, te mahi, ngā whakangungu rānei, ina whakatauritea ki te rangatahi whānui. Nā runga hoki i te pōhara

hoki o te whānau kua mate ētahi rangatahi te whakamutu te whai i te mātauranga, te whakangungu rānei ki te kimi mahi. He nui hoki ngā hononga i waenga i te hauora ā-ōhanga me te hauora ā-hinengaro, ina koa mō te taha ki te rangatahi.⁴

Ngā pānga ā-pāpori

Kei te mōhio tātou he whānui ngā āhuatanga i pā ki te hunga rangatahi i te rāhui tae atu ki te noho taratahi ā-pāpori, te mokemoke, te whakararu kura, te korenga o ngā taputapu matihiko, te raraunga, te ipurangi rānei, te noho ki roto i ngā mirumiru haumaru-kore, ki ō rātou whakaaro kāore i pai te āhua o ētahi atu ki a rātou anō i roto i tā rātou mirumiru.⁵ Nā te whakapikinga o te āhei ki te matahiko mō ētahi rangatahi i piki te mōrea kia kitea ngā āhuatanga kino i runga i te ipurangi. Ahakoa ka mau tonu te pānga o te rāhui, kāore tonu mātou i te mōhio he aha te whānui o ngā raru ka puta ake. He mahi tā Te Mahere Taiohi e aro ana ki ngā hiahia o nāianei tonu, me ētahi anō he ngāwari ake, he roa ake hoki te wā, ki te urupare atu ki ngā hiahia e puta mai ana.

Te hauora hinengaro

Ahakoa he mahi hou rawa te rāhui ki Aotearoa, he taunakitanga tā mātou nō ētahi atu whenua e pā ana ki te āhua o te rangatahi i ngā wā o te taratahi, o te rāhui rānei. Ko te whānuitanga o ngā pānga, arā, he kōhukihuki whai muri i te whētuki, he mānukanuka, he tohumate māha, he pouri, he pōraruraru, me te riri.⁶ Ka nui ake pea

te pānga kino a te hauora hinengaro e pā ana ki te rāhui ki te hunga kua pāngia kētia e ngā momo mate hinengaro. Ka whakamomonatia peā ngā pānga hauora hinengaro e ētahi atu pānga i te wā o te rāhui i muri mai hoki, pērā ki ngā pānga ohanga-pāpori.

Ngā rōpū mātāmua

Mā te hunga rangatahi 12-24 tau Te Mahere Taiohi. Kei te āhua 800,000 te hunga rangatahi, nō reira, 17% tērā o te taupori. Heoi anō, e mōhiotia ana, arā ētahi rōpū i whakaitihia i mua i te MATE KORONA, ā, ka nui ake hoki te pānga o te MATE KORONA ki ēnei rōpū rawa. Ka nui ake ēnei pānga ki te hunga e whakawhitia ana i tētahi āhuatanga nui o te ao, ki tētahi atu i te wā o tēnei mahi whakaoranga i te MATE KORONA.⁷ Koia te take, ka aro pū atu Te Mahere Taiohi ki ngā tirohanga, ngā wheako me ngā putanga o ngā rōpū mātāmua e whā. Koia ēnei ko:

- ▶ te hunga rangatahi 17-24 ngā tau
- ▶ te hunga Moananui a Kiwa 17-24 ngā tau
- ▶ te hunga (āniwaniwa) takatāpui⁸ 17-24 ngā tau
- ▶ te hunga rangatahi hauā 17-24 ngā tau.

Ka whakararua, ka whakaitihia te hunga rangatahi i roto i ēnei rōpū mātāmua i runga i tā rātou iwitanga, hōkakatanga, tuakiri ā-ira, hauātanga rānei. Ko te hua o tēnei, he nui ake te tūpono ka kino ake ngā putanga hauora, oranga anō hoki.⁹ Ko te hunga rangatahi e whai tuakiri ana ki ngā rōpū e rua o ēnei neke atu ka nui ake te tūpono whakaititanga.

Tērā pea ka whakamomonatia e ngā pānga

o te MATE KORONA ētahi o ngā take e pākaha ana ki aua rōpū ināianei, tae atu ki te taipūwhenuatanga, te whakahāwea ā-iwi me te whakahāwea, te pōharatanga, te kore-kāinga, te kore whakaaetanga ki te tuakiri, te whakapikinga o te taumahatanga hinengaro, me te pikinga o te hunga kāore i roto i te ao mātauranga, te ao mahi, te whakangungu rānei. Ko te hunga 17-24 e whakatere ana i te whakawhitinga ki te mahi, ki te mātauranga tuatoru, ki te ao whakangungu rānei, tērā pea ka whai haepapa atawhai, ko te wā tuatahi rānei kua wehe rātou i te kāinga. He uua ki tētahi wāhangā nui o ngā rangatahi i roto i ēnei rōpū te whai wāhi atu ki ngā ratonga tautoko e hāngai ana, hei tauira, ngā ratonga e hāngai ana ā-ahurea, he ngāwari te whai wāhi atu, e mauminamina ana, whakamana ira hoki.

Ko te whāinga o Te Mahere Taiohi he whakangāwari i ngā pānga o te MATE KORONA me te kōkiri i ngā putanga tōkeke mā ngā rōpū mātāmua. Ka whakatutukitia tēnei mā te whakapiki i te tūhonohono o te tangata, o ngā wāhi, o te ngohe, te whakapiki i te whai wāhitanga, me te whakanui i te reo hei wāhangā o ngā kaupapahere o te kāwanatanga me ngā mahi whakataunga. Ina taea, e whai wāhi te hunga rangatahi mai i aua rōpū ki te whakaputa i ō rātou whakaaro ki te āhua o te hoahoa, me te āhua o ngā momo mahi. Ka aro nui atu ki te mahi i roto i ngā whānau, i te hapori, ā, i te taha hoki o te rāngai taiohi. Kua kīia te hononga Māori-Karauna he mahi tūāpapa ki te whakapikinga i te oranga o te hunga rangatahi Māori, ka mutu, he mea tino nui te mahi tahi a ngā hinonga karauna ki te taha o te iwi, te hapū me te whānau i te whakatinanatanga o Te Mahere Taiohi.

2. Webb, S, Kingstone S, Richardson E, Flett J. Rapid Evidence and Policy Brief: COVID-19 Youth Recovery Response 2020-2022. 2020. Wellington: Te Hiringa Hauora/Health Promotion Agency.

3. Household Labour Force Survey; Te hauhā Hakihea 2019: Ko te nui o te hunga koremahi i waenga i te 20-24 tau he 7.6%. Ko te pakeke e taea ana te mahi engari kāore ana mahi whai utu, kāore rānei ia i te wātea ki te mahi, kua kīia mahi i roto i te whā wāhi kua pahure, kua tīmata rānei he mahi hou i roto i ngā wāhi e whā e tū mai nei, ka kīia ko te hunga koremahi.

4. Webb, S, Kingstone S, Richardson E, Flett J. Rapid Evidence and Policy Brief: COVID-19 Youth Recovery Response 2020-2022. 2020. Wellington: Te Hiringa Hauora/Health Promotion Agency.

5. Ngā hua o te rangahau Youthline COVID-19 Research Report of Results and the Youth Pulse Check survey results.

6. Webb, S, Kingstone S, Richardson E, Flett J. Rapid Evidence and Policy Brief: COVID-19 Youth Recovery Response 2020-2022. 2020. Wellington: Te Hiringa Hauora/Health Promotion Agency.

7. Poultton, S, Gluckman P, Menzies Rochelle, Bardsley A, McIntosh, T, Faletata M. Protecting and Promoting Mental Wellbeing: Beyond COVID-19. 2020. Auckland: Te Whare Wānanga o Tāmaki Makaurau, Koi Tū: The Centre for Informed Futures.

8. Ka whakamahia Te Mahere Taiohi i te kōrero 'taiohi āniwaniwa' hei kupu mō te katoa o te hunga rangatahi e kīia ana he takatāpui āra, he wahine mate wahine, he tāne/wāhine mate tāne/wāhine, he mate tāne/wāhine, he whānui te ira, he rere te ira, he whakawhitinga īra, he tāne whai āhuatanga

wāhine, he wahine whai āhuatanga tāne, fa'afafine, he leiti, he kuini, he rerekē rānei tōna tūngā taera, tōna tuakiri īra, te āhua o tōna whakaatu i tō īra, he rerekē rānei ūna āhuatanga taera i te iwi whānui, he tangata(engari i te kape Māori kua kāha whakamahia te kupu takatāpui).

9. Deane, K., Dutton, H. & Kerekere, E. (2019). Ngā Tikanga Whanaketanga – He Arotake Tuhiinga. A Review of Aotearoa New Zealand Youth Development Research. Auckland, NZ: Te Whare Wānanga o Tāmaki Makaurau.

Te waihanga me te whakaora anō ngātahi

Rite tonu te kī a te hunga rangatahi kia rangona tō rātou reo i ngā whakatau e pā ana ki a rātou me ngā rā kei mua i a rātou. I a tātou e tahuri atu ki te waihanga me te whakaora anō, he mea nui kia tautokona, kia whakamanahia kia whai wāhi atu ki te kōrero mō te tārai i tētahi Aotearoa whai hua, pūmau, whai wāhi katoa mai. Kei te whai Te Mahere Taiohi ki te whakanui i te reo o te rangatahi i te whakataunga o ngā kaupapahere me ngā kaupapa karauna me te mātua whakarite kua oti ngā tukanga e tika ana kia whai wāhi te hunga rangatahi ki te whakaputa i ō rātou whakaaro mō ngā whakatau e pā ana ki te whakaoranga.

Ki te whakatutuki i te panoni whai hua, me whai te hunga rangatahi, ngā hapori, te rāngai taiohi me ngā tari kāwanatanga ki te panoni i te āhua o tā rātou mahi, ki te taha o te hunga rangatahi, ka mutu, mō te hunga rangatahi anō hoki. Nā te MATE KORONA kua kōkirihi ake pei i te whakanui i te reo o te hunga rangatahi me te whakapakari tonu mai i ngā akoranga i ākona i roto i ngā āhuatanga o te MATE KORONA ki te tautoko i te oranga o te hunga rangatahi me te whakanui i tō rātou reo hei wāhanga i te mahi kaupapahere, whakatau kaupapa a te karauna.

Ngā wāhi arotahi

E whā ngā wāhi arotahi a Te Mahere Taiohi

1. **Te Reo** – ka rangona, ka kaingākautia, ka tuituia ki ngā mahi whakatau ki ngā taumata katoa ngā reo me ngā tirohanga a te hunga rangatahi, ina koa ngā whakatau e pā ana ki te whakaoranga mai i te MATE KORONA.

2. **Te orangā** – ka tautokona, ka whakapakarihiā te orangā o te hunga rangatahi, tō rātou whānau, hapori hoki.
3. **Te ārahitanga** – ka tautokona te hunga rangatahi ki te whakahaere i tō rātou ake ao, kia kitea ū rātou tuakiri, kia kaingākautia, kia manaakitia, kia piki haere hoki tō rātou reo i roto i ū rātou hapori, i runga hoki i ngā kaupapahere karauna.
4. **Te panonitanga whakaaro** – ka mahi tahi ngā tari kāwanatanga, te rāngai taiohi, ngā hapori me te hunga rangatahi ki te whakangāwari i te pānga o te MATE KORONA ki te hunga rangatahi.

Ngā Mahi

Kei te noho ngā mahi Mahere Taiohi i raro i tētahi o ngā wāhi arotahi e whā, engari ka tautoko ngā mahi i ngā wāhi nui ake pei i te wāhi kotahi, putanga kotahi rānei i Te Rautaki Oranga Tamariki. Ka whai ngā mahi ki te hono i te hunga rangatahi ki te tangata, te wāhi, te mahi rānei. Tōna tikanga ka tautoko tēnei pou tarāwaho whakaoranga i te manahautanga, i te orangā hoki o te hunga rangatahi i a rātou e whakatere ana i ngā au o te pānga mai o te MATE KORONA. E āwhina i a rātou kia rite rātou ki te whai i te mātauranga, i te mahi, i te whakangungu rānei i te putanga mai o aua āhuatanga. Ka whai hoki ngā mahi ki te tautoko tūturu nei i te hunga rangatahi kia whai wāhi mai ki te whakaoranga o Aotearoa, i runga i te mārama ki te ngā pūmanawa me ngā tirohanga ahurei ka haria mai ai e rātou.

E aro ana ētahi o ngā mahi a Te Mahere Taiohi ki ngā hiahia o nāianei tonu, ko ētahi anō he wā roa kē te tirohanga, he ngāwari ake hoki te uruparenga atu ki te hiahia e puta mai ana. Arā, ētahi mahi e whai ana ki te whakatika i ngā

hiahia o te hunga rangatahi 12-24 ngā tau, me ētahi atu e arotahi kē ana ki ngā rōpū mātāmua. Kāore e whakaatuhiā ana e ēnei mahi ngā mahi katoa e whakahaeretia i roto i te kāwanatanga i roto i ēnei wāhi arotahi.

Te Whakawhanaketanga o Te Mahere Taiohi

I tīmata ngā mahi i runga i Te Mahere Taiohi i mua i te MATE KORONA. I taua wā rā, e ahu mai ana te nuinga o ngā mōhiohio i ngā kōrero tahi ki te hunga rangatahi, te rāngai taiohi me te mahi tahi ki ngā tari kāwanatanga.¹⁰ I te rūnanga ki te 1,200 rangatahi neke atu i te marama o Whiringa-ā-nuku, i rongo mātou:

- ▶ kei te hiahia whai wāhi atu te hunga rangatahi ki ngā whakatau nui a te kāwanatanga, heoi anō, ehara i te mea he ngāwari te tukanga, ka mutu, kāore rātou i te whakapono e rangona ana ū rātou reo
- ▶ he nui ake te tikanga o te orangā whai hua i te orangā hinengaro noa iho. He mea nui anō hoki te tuakiri, te whānau, me te hapori
- ▶ ko te hiahia o te hunga rangatahi kia nui ake ngā wā kia riro mā rātou hei ārahi, heoi anō, kei te hiahia tautoko tonu, me te tohutohu, kia mārama ai hoki ngā pakeke, me tuku rātou ki te ārahi i tā rātou momo ārahi.
- ▶ me whakarerekē te kāwanatanga i te āhua o te pūnaha me āna mahi i te taha o te rangatahi, ka mutu, te āhua o te mahi mā te rangatahi.

“Pēnei au, ka tuku te hunga rangatahi i ū rātou whakaaro, tirohanga, kōrero, auare ake! Te āhua nei, ko te mate, kāore kē he paku mahi i mahia, tē aro mātou.”¹¹

10. Kei roto i tēnei rōpū ko Te Kaporeihana Āwhina Hunga Whara, Te Tari a te Pirimia me te Rūnanga, Te Hiringa Hauora, Te Tari o te Kaikomihana Tamariki, Oranga Tamariki, Hākinakina Aotearoa, Te Puni Kōkiri, Te Papa Atawhai, Te Ara Poutama Aotearoa, Te Tari Aukati Whakamomori, Ngā Pirihimana o Aotearoa, Te Mana Whakaatu, Ngā manatū Pākihi, Mahi, Mātauranga, Hauora, Moananui ā-Kiwa, Ahu Matua, Whakahiato Ora, Wāhine, Whare, Whakawhanake Tāone. Ko te rōpū mahi whakawhitī hinonga tēnei mō Te Mahere Taiohi.

Mai i ngā urupare i ngā rūnanga i whakarerekētia ētahi wāhanga iti i ngā wāhi arotahi. E whakawhānuitia ake te ‘orangā hinengaro’ ki te ‘orangā’ i runga i ngā kōrero a te hunga rangatahi me tā rātou kī he mea tuitui te reo Māori ki ētahi atu āhuatanga o te hauora pērā ki te hauora ā-tinana, te tuakiri me te whai wāhitanga. I tāpirihia atu hapori te ‘Panonitanga ā-whakaaro’ i runga i te kī mai a te hunga rangatahi me whakarerekē te kāwanatanga i te āhua whakahaere o te pūnaha. Ka taea ētahi atu te pānui mō ngā kōrero i kōrerotia mai e te hunga rangatahi me te rāngai taiohi i runga i te paetukutuku o Te Manatū Whakahiai Taiohi <http://www.myd.govt.nz/young-people/youth-plan/youth-plan.html>.

Ahakoa nā runga i ngā urupare i kohia i āua tukanga kua puta te kape o nāianei o Te Mahere Taiohi, he nui hapori ngā kōrero e ahu mai ana i ngā pānui mō te MATE KORONA. Te Urupare Whakaora Taiohi ki te MATE KORONA, tae atu ki ngā mōhiohio mai i te Rangahau Waea Rangatahi (Youthline) i whakahaeretia i te marama o Paengawhāwhā 2020, te rangahau Tiro Manawa Rangatahi i whakahaeretia i ngā marama o Paengawhāwhā me Haratua 2020, me ngā mōhiohio mai i te rāngai taiohi. I whakaritea ngā mahi e Te Rōpū Mahi Whakawhitī Hinonga mō Te Mahere Taiohi.

11. He kōrero i tango mai i te Hui Taiohi a Te Manatū Whakahiai i te marama o Whiringa-a-nuku 2019

NGĀ REO

Ngā Reo – ka whakarangona ngā reo, ngā tirohanga, ka kaingākautia, ka tuituia ki ngā mahi whakatau ki ngā taumata katoa, ina koa ngā whakatau e pā ana ki te whakaoranga i te MATE KORONA.

Ko te tikanga o tēnei:

- ▶ kua kaingākautia te whai wāhitanga o te hunga rangatahi e ngā tari kāwanatanga
- ▶ kua mārama, kua whai ngā tari kāwanatanga i te tikanga pai mutunga i ngā whakawhitiwhitinga ki te hunga rangatahi
- ▶ he rite tonu te tuari o ngā tari kāwanatanga i ngā akoranga i ākona i ngā whakawhitiwhitinga, ka mutu, ka mahi tahi ina taea ana ki te whakaiti i te ngenge akoako.
- ▶ kua āta whakarangona te reo o te hunga rangatahi, kua hopukia, kua whāia hei wāhanga o te whakaoranga i te MATE KORONA
- ▶ kua whakanuia ngā reo o ngā rōpū mātāmua

'...he aha te take o te kōrero ki te kāwanatanga mehemea kāore ratou i te whakarongo ki tā matou kōrero...' ¹²

MAHI

KIA HUA MAI TE REO O
TE RANGATAHI I NGĀ
MAHI WHAKAORANGA
I TE MATE KORONA

WHAKAMĀRAMA

Me mātua whai ngā tari kua tuituia te reo o te rangatahi ki roto ki ngā whakatau e pā ana ki te whakaoranga i te MATE KORONA. Hei konei te whakakore i ngā ārai mō te hunga kua whakataha, arā, kei raro e putu ana, pēnā ki te hunga kei roto i te pūnaha o te Ara Poutama (Corrections). Puta noa i te whānuitanga o ngā ngohe tēnei mahi, tae atu ki te whakawhitiwhiti me te hunga rangatahi, he rangahau, he mahi ine kounga hei kohikohi i ngā tirohanga o te hunga rangatahi kei te atawhaitia, kei raro rānei i te ture taiohi, me ngā rangahau Mai World o Te Tari o te Kaikomihana Kaikomihana Tamariki, e arotahi ana ki te oranga me ngā wawata mō te whakaoranga.

TE PUTANGA RAUTAKI

Kei te whai wāhi mai i runga i te wairua kaha te hunga tamariki me te hunga rangatahi

TE TARI KŌKIRI MATUA

Te Manatū Whakahiato Taiohi

NGĀ HOA PĀTUI

Oranga Tamariki, Te Tari o Kaikomihana Rangatahi

TE WĀ

2020

12 . He kōrero i tango mai i te Hui Taiohi a Te Manatū Whakahiato i te marama o Whiringa-a-nuku 2019.

HE AHA TE TAKE
O TE KŌRERO
KI TE KĀWANATANGA
MEHEMEA KĀORE
RĀTOU I TE
WHAKARONGO
KI TĀ MĀTOU
KŌRERO

MAHI

ME WHAKATINANA TE KAUPADA REO TAIOHI

WHAKAMĀRAMA

Mā tēnei mahi e āhei ai te mahi tahi a te kāwanatanga me te hunga rangatahi ki te whiriwhiri ara whakahihiri i te ngākau rangatahi. Hei konei whakamahia ngā kōrero o ētahi kaupapa kōkiri, pēra ki ngā rōpū tohutohu taiohi, me te tūhura i te whanaketanga o ngā kaupapa hou.

TE PUTANGA RAUTAKI

Kei te whai wāhi mai i runga i te wairua kaha te hunga tamariki me te hunga rangatahi

TE TARI KŌKIRI MATUA

Te Manatū Whakahiato Taiohi

NGĀ HOA PĀTUI

Te Manatū Whakahiato Ora, Te Hiringa Hauora

TE ANGAWĀ

2020

MAHI

TE WHAKAWHANAKE ME TE TUARI I NGĀ TOHUTOHU TIKANGA PAI MUTUNGA MŌ TE WHAKAHIHIRI I NGĀ TAMARIKI ME TE HUNGA RANGATAHI

WHAKAMĀRAMA

Kua whakamahia e ngā hinonga te tautoko tikanga pai mutunga me ūna tohutohu mō te whakahihiri i ngā tamariki me te hunga rangatahi. He motika tā ngā tamariki me te hunga rangatahi ki te whakapuaki i ūrātou tirohanga, kia rangona hoki ūrātou reo i ngā whakataunga whai pānga ki a rātou.

TE PUTANGA RAUTAKI

Kei te whai wāhi mai i runga i te wairua kaha te hunga tamariki me te hunga rangatahi

TE TARI KŌKIRI MATUA

Te Tari o te Kaikomihana Tamariki

NGĀ HOA PĀTUI

Oranga Tamariki, Te Manatū Whakahiato Taiohi

TE ANGAWĀ

Kei te haere tonu

TE ORANGA

Kua tautokona, kua whakapakarihia te oranga o te hunga rangatahi, rātou ko tōna whānau, rātou ko tōna hapori.

KO TE TIKANGA O TĒNEI:

- ▶ kei te hunga rangatahi te whakatau i te tikanga o te oranga ki a rātou anō
- ▶ kua tautokona te hunga rangatahi kia ora, rātou ko te whānau, rātou ko te hapori
- ▶ e tautokohia ana te hunga rangatahi kia mōhio āheia, me pēhea hoki rātou e whai i ngā kōrero e tika ana mā te hunga rangatahi mō te tiaki i tō rātou ake oranga

▶ me tōkeke te whai wāhi atu a te hunga rangatahi ki ngā ratonga i whakatūria hei wāhanga o te whakaoranga MATE KORONA

▶ me whai tautoko te hunga rangatahi kia whai wāhi atu ki ngā ratonga whai mōhiotanga ā-ahurea, e manaaki hoki i tō rātou ira tangata, tuakiri taera i te wā ka hiahia hono atu rātou ki ētahi atu.

*'He āhukahuka i te oranga katoa – te whare tapa whā, he ara kia kōrerohia ngā momo āhuatanga katoa kia ora ai, me ūna wāhi katoa.'*¹³

MAHI

ME MĀRAMA, ME URUDARE KI TE DĀNGA Ā-HINENGARO O TE MATE KORONA KI TE HUNGA RANGATAHI

TE PUTANGA RAUTAKI

WHAKAMĀRAMA

Ka rangahaua kia mārama ake ki te pānga o te MATE KORONA ki ā tātou rangatahi, ina koa ērā i roto i ngā rōpu mātāmua. Ka whakamahia ēnei ki te whakamōhio i te whakawhanake o ngā mahi hei mahi mō Te Mahere Taiohi, me te whakaaro anō o te whakahoahoa i ēnei ki te taha o te hunga rangatahi, ngā hapori, iwi me te rāngai taiohi.

Kei te whai wāhi mai i runga i te wairua kaha te hunga tamariki me te hunga rangatahi

TE TARI KŌKIRI MATUA

Te Manatū Whakahiato Ora

NGĀ HOA PĀTUI

Te Manatū Whakahiato Taiohi

TE ANGAWĀ

2020

13. He kōrero i tango mai i te Hui Taiohi a Te Manatū Whakahiato i te marama o Whiringa-a-nuku 2019

MAHI

WAIHANGA HE TAIAO
MATIHIKO HAUMARU MĀ
NGĀ TAMARIKI ME TE
HUNGA RANGATAHI

TE PUTANGA RAUTAKI

Whakahoahoa me te whakatinana i tētahi whakatairanga whakamōhio i ngā tamariki me te hunga rangatahi ki ngā mōrea mā runga ipurangi. Ka whakatakoto mōhiohio te whakatairanga mō te kaupare i te raru i runga ipurangi, me aha hoki mehemea kua raru kē. Ka whai wāhi mai ngā tamariki me te hunga rangatahi ki te whakahoahoa i te whakatairanga ki te mātua whakarite he hāngai he mea whakahihiri hoki.

TE TARI KŌKIRI MATUA

Kua arohaina, kua haumaru, kua atawhaingia ngā tamariki me te hunga rangatahi

NGĀ HOA PĀTUI

Te Tāhuhu o te Mātauranga

TE ANGAWĀ

2020

MAHI

WHAKAWHANAKE
I TE KAUPAPA
WHAKATAIRANGA
PĀDORI MŌ TE HUNGA
RANGATAHI HE MEA
WHAKATAIRANGA I NGĀ
HONONGA WHAI HAUORA,
HAUMARU HOKI

WHAKAMĀRAMA

He whenu taiohi tēnei kaupapa kōkiri a Te Kaupapa Mahi i te Tūkino Whānau. Ka whakatenatena tēnei kaupapa i ngā hononga pai, haumaru, manaaki hoki mā te whakatakoto wero me te huri i ngā whakapono whakakino, ngā waiaro, ngā whanonga hoki e tautoko ana i te tūkino. Ka mātua whakahaeretia mā te aka pāpori, ā, ka noho hāngai ka whakareia hoki te akoranga ki te hunga rangatahi mō ngā hononga hauora me te mahi aukati i ngā mahi tūkino ki ngā kura.

TE PUTANGA RAUTAKI

Kua arohaina, kua haumaru, kua atawhaingia ngā tamariki me te hunga rangatahi

TE TARI KŌKIRI MATUA

Te Manatū Whakahiatō Ora

NGĀ HOA PĀTUI

Te Kaporeihana Āwhina Hunga Whara

TE ANGAWĀ

2020



MAHI

WHAKAMĀRAMA

**MAHI TAHI
ME TE HUNGA
RANGATAHI KI TE
WHAKAHOAHOA ME
TE WHAKATINANA
I TE KAUDADA
ORANGA**

Ka whakahoahoa te hunga rangatahi Māori, Moananui a Kiwa hoki i te kaupapa oranga ki te taha o te kāwanatanga hei āwhina i a rātou anō ki te whakapiki i tō rātou ake oranga, me te tautoko i ētahi atu rangatahi e pāngia ana e te kōhukihuki, e te taumahatanga rānei. Ka noho matua te hunga rangatahi ki te whakawhanaketanga, te whakahoahoaatanga me te waihangatanga o tēnei kaupapa. Ko tētahi wāhanga o tēnei mahi he kohikohi i ngā mātau mō te hunga rangatahi Māori, Moananui a Kiwa hoki e whakarite ana mō te taiao MATE KORONA. Ka whakamahia tēnei mahi ki te whakamōhio i ngā mahi kaupapahere huri noa i te kāwanatanga.

**TE PUTANGA
RAUTAKI**

He harikoa, he whai hauora te hunga tamariki me te hunga rangatahi

**TE TARI KŌKIRI
MATUA**

Te Hiringa Hauora

NGĀ HOA PĀTUI

Te Manatū Hauora, Te Manatū Whakahiaito Taiohi, Te Manatū Whakahiaito Hauora, Te Manatū mō ngā lwi o te Moana nui ā-Kiwa

TE ANGAWĀ

2020

MAHI

WHAKAMĀRAMA

**WHAKADIKI
I TE HAUORA
HINENGARO, ME
NGĀ TAUTOKO
WARANGA, ORANGA
MĀ TE HUNGA
RANGATAHI**

Nā te Pūtea 2019 i tuku pūtea ki te whakawhānuitanga atu o te urunga me te whiringa ki te hauora hinengaro matua, me ngā tautoko waranga, oranga hoki mā te hunga rangatahi. I whakapikihia tēnei whakapaunga pūtea e Pūtea 2020 ki te whakauru mai i te tautoko hāngai ki ngā ākonga mātauranga tuatoru.

Kei te toha pūtea Te Manatū Hauora ki te tuku i ngā momo tautoko, utauta, rauemi hoki ki te hunga taiohi ki te whakatika i a rātou anō i runga i te kārangirangi me te whakarerekētanga e ahu mai ana i te MATE KORONA. Kei roto i tēnei ko te tautoko ā-taupānga, ā-ipurangi, ā-hauora, ā-whakaata

**TE PUTANGA
RAUTAKI**

He harikoa, he whai hauora te hunga tamariki me te hunga rangatahi

**TE TARI KŌKIRI
MATUA**

Te Manatū Hauora

NGĀ HOA PĀTUI

Te Tāhuhu o te Mātauranga

TE ANGAWĀ

2020 – 2024



TE ĀRAHITANGA

Kua tautokona te hunga rangatahi ki te whakahaere i tō rātou ake ao, kia kitea ō rātou tuakiri, kia kaingākautia, kia manaakitia, kia piki haere hoki tō rātou reo i roto i ō rātou hapori, i runga hoki i ngā kaupapahere karauna.

Ko te tikanga o tēnei:

- ▶ kua tautokona te hunga rangatahi ki te whakawhanake i ō rātou ake tuakiri, ka whakareia hoki tō rātou mana
- ▶ kua whakaaetia, kua manaakitia te hunga rangatahi mō tō rātou ake āhua anō, mō te momo tāngata e hiahia ana rātou
- ▶ kua āhukahuka te ārahitanga rangatahi, kua kaingākautia

▶ ka riro mā te hunga rangatahi i ngā rōpū mātāmua he wāhi ki te ārahi me te whakatinana i te whakarerekētanga i runga i tō ake hiahia, ina koa mō te taha ki te whakaoranga MATE KORONA

▶ kua tautokona te hunga rangatahi kia uru atu ki te mātauranga, te mahi, te whakangungu rānei

▶ kua riro i te hunga rangatahi he wāhi ki te ārahitanga ūkawa, me ngā mahi whakatau pērā ki ngā rōpū tohutohu, mana whakahaere rānei.

'He whiringa te ārahitanga ki te āwhina i tō hapori...' ¹⁴

MAHI

TE TAUTOKO I NGĀ RONGOA WHAKAHĀERETIA Ā-HAPORI

WHAKAMĀRAMA

Nā ngā whakahihiri Moana nui ā-Kiwi i whakapuakina te mea nui o te whakapakari i te hauora hinengaro me te manahautanga o te hunga rangatahi Moana nui ā-Kiwa hei mea nui mō ngā hapori Moana nui -ā-Kiwa. Kei te whakamātauha e Te Manatū mō ngā Iwi o Te Moana nui ā-Kiwa tētahi kaupapa ki te tautoko i te hunga rangatahi o te Moana nui ā-Kiwa ki te ārahi i ō rātou ake kaupapa kōkiri auaha hei rongoā ki te whakapakaritanga o te hauora hinengaro me te manahautanga o te taiohi o te Moana nui ā-Kiwa. He urupare hāngai tonu ki ngā whakahihiri ki te hunga taiohi o te Moana nui ā-Kiwa e whakapuaki ana i te korenga o ngā ratonga tautoko e whakaponotia ana e rātou e hāngai ana hoki ki ō rātou ake hiahia. Ko te wāhangā tuarua o tēnei mahi e āhukahuka ana i te wāhi nui o te whānau me te hapori, ā, ka arotahi ki te tautoko i te kōrerorero whakawhiti reanga mō te hauora hinengaro o te taiohi Moana nui ā-Kiwa me te whakapiki i te māramatanga.

TE PUTANGA RAUTAKI

He harikoa, he whai hauora te hunga tamariki me te hunga rangatahi

TE TARI KŌKIRI MATUA

Te Manatū mō ngā Iwi o Te Moana nui ā-Kiwa

NGĀ HOA PĀTUI

Te Rōpū Whakawhiti Hinonga Mahere Taiohi

TE ANGAWĀ

2020

14. He kōrero i tango mai i te Hui Taiohi a Te Manatū Whakahiato i te marama o Whiringa-a-nuku 2019

MAHI

KARANGAHIA HE
HUI KAIĀRAHI
RANGATAHI MĀORI
Ā-ROHE

WHAKAMĀRAMA

Ka tautoko tēnei mahi i te hui kaiārahi rangatahi Māori ā-rohe, me te whāinga ki te:

- ▶ whakamahi i te reo Māori me ūna tikanga hei tūāpapa o te hui
- ▶ hei whakatakoto huarahi kia whai wāhi atu te hunga rangatahi ki te tuku whakaaro ki te whanaketanga kaupapahere
- ▶ te tautoko i te whanaketanga o te tuakiri rangatahi me te reo Māori
- ▶ te whakarite kia rangona kia hopukina, kia whāia hoki te reo o te rangatahi Māori
- ▶ te whakawhanake i ngā kaiārahi rangatahi Māori

TE PUTANGA
RAUTAKI

Kei te whai wāhi mai i runga i te wairua kaha te hunga tamariki me te hunga rangatahi

TE TARI KŌKIRI
MATUA

Te Puni Kōkiri, Te Manatū Whakahiato Taiohi

NGĀ HOA PĀTUI

Te Rōpū Whakawhiti Hinonga Mahere Taiohi

TE ANGAWĀ

2020

HE KAHA, HE TŪKAHA,
HE MĀTAU HOKI TE
HUNGA RANGATAHI
KI TE ĀRAHI
, I TE PANONITANGA.

MAHI

WHAKAMĀRAMA

**WHAKAWHĀNUI TIA
ATU TE RATONGA
MAHI O NĀIANEI
KI TE HUNGA
TAIOHI HAUĀ I
Ō RĀTOU TAU
WHAKAMUTUNGA E
RUA I TE KURA**

He whānui rawa atu te puarenga i waenga i te hunga hauā me te hunga kore-hauā. I te nuinga o te wā kāore te hunga taiohi i te kuhu atu ki roto ki te ao mātauranga, te mahi, te whakangungu, ka mutu, ko te nuinga o ngā whiringa mō muri i te kura kāore e aro ana ki te mahi.

Ka whai tēnei mahi ki te whakawhiti i te puarenga mā te whakawhānui i ngā Ratonga Mahi whai kirimana o te wā ki te hunga taiohi hauā i ō rātou tau whakamutunga e rua o te kura. Ka wātea tēnei ratonga ki ngā ākonga kura hauā e rima rau i ia tau. Ka whakaritea e ngā Ratonga Mahi te tautoko kua whakaritea rawatia mā te hunga hauā kia whai mahi, he tautoko hoki i ngā kaituku mahi ki te whakarite i ngā tautoko māori i roto i te wāhi mahi. Ko te whāinga mā te hunga taiohi hauā me tō rātou whānau ki te āta whakaarohipa ngā mahi whai utu, te whakangungu rānei hei whiringa tuatahi, pai rawa atu hoki i muri i te mutunga o te kura.

TE PUTANGA RAUTAKI

Te hunga tamariki me te hunga rangatahi e ako ana, e whakawanake ana

TE TARI KŌKIRI MATUA

Te Manatū Whakahiato Ora

NGĀ HOA PĀTUI

Te Tāhuhu o te Mātauranga, Te Whatunga Tautoko Hauā o Aotearoa, me ngā kaituku Ratonga Mahi whai kirimana

TE ANGAWĀ

2020

MAHI

WHAKAMĀRAMA

**ME HAERE TONU
A HE POUTAMA
TAMARIKI I
HE POUTAMA
TAITAMARIKI**

Ka whakawhānui tēnei mahi i tētahi ratonga hohonu kua āta whakaritea mā te hunga rangatahi i Te Taitokerau i waenga i ngā pakeke 15-24 tau kāore i roto i te mātauranga, te mahi, te whakangungu rānei, ā, kei te noho tino mōrea nei ki te kore mahi mō te wā roa te whakangungu rānei, me ngā putanga kino ā-pāpori, ā-ōhanga hoki.

Ka awhina te kaupapa i te hunga rangatahi ki te whakatutuki te hononga ā-pāpori, me ngā whāinga mātauranga, whakangungu, ngā whāinga mahi hoki/rānei, me te manahautanga ki te whakapūmau i ngā putanga, kia pai ai te hauora, te koa me te whai hua o ō rātou ao.

TE PUTANGA RAUTAKI

Te hunga tamariki me te hunga rangatahi e ako ana, e whakawanake ana

TE TARI KŌKIRI MATUA

Te Manatū Whakahiato Ora

NGĀ HOA PĀTUI

Hīkina Whakatutuki

TE ANGAWĀ

2020 (haere tonu)

TE PANONITANGA WHAKAARO

Ka mahi tahi ngā tari kāwanatanga, te rāngai taiohi, ngā hapori me te hunga rangatahi ki te whakangāwari i te pānga o te MATE KORONA ki te hunga rangatahi.

Ko te tikanga o tēnei:

- ▶ kei te mahi tahi, kei te whakawhitihiti kōrero hoki ngā tari kāwanatanga ki te kōkiri i te panonitanga o te pūnaha
- ▶ Kua whakaritea ngā pūnaha ki te tautoko i te tuaritanga mōhioho

▶ ka whakapikihiia te pūtea ka tukuna ki te rāngai taiohi e te kāwanatanga hei whakatikatika i te hekenga o te pūtea mai i ētahi atu puna pūtea

▶ kua whakapiki te puata, me te kawenga takohanga i ngā mahi whakatau kaupapa i roto i te kāwanatanga.

*'Kei te whakapono au me mahi tahi te kāwanatanga me te hunga rangatahi ki te whakahohoa i ngā rongoā ki te taha o te hunga rangatahi me mahi ngātahi hoki me te hunga rangatahi.'*¹⁵

MAHI

WHAKAMĀRAMA

HE TUKU I TE ARAHITANGA A-RAUTAKI ME NGA TOHUTOHU E AHU MAI ANA I TE TAUNAKITANGA MŌ TE HUNGA RANGATAHI

Kei roto i tēnei mahi:

- ▶ Te whakapiki i te mōhiotanga ki te rangatahi puta noa i te kāwanatanga mā te mahi tahi, te tautuhi hoki i ngā whiringa ki te mahi tahi me te mātua whakarite kei te whai wāhi te hunga rangatahi ki ngā mahi whakatau ka pāngia ki a rātou
- ▶ Te rangahau kia pai ake te māramatanga o ngā wheako o ngā takatāpui rangatahi
- ▶ Te hopu me te whakapūmau i te mahi tahi whakawhitihinonga me te whakahekenga o ngā ārai ki te pūtea i whakatutuki i ngā Taumata Matohi MATE KORONA 4 me te 3.

TE PUTANGA RAUTAKI

Kei te whai wāhi mai i runga i te wairua kaha te hunga tamariki me te hunga rangatahi

TE TARI KŌKIRI MATUA

Te Manatū Whakahiato Taiohi

NGĀ HOA PĀTUI

Te Manatū Whakahiato Ora, Oranga Tamariki, Te Tari o te Kaikomihana Tamariki me Te Tāhuhu o te Mātauranga

TE ANGAWĀ

2020

15. He kōrero i tango mai i te Hui Taiohi a Te Manatū Whakahiato i te marama o Whiringa-a-nuku 2019.



MAHI

WHAKAMĀRAMA

**TE MAHI TAHİ
ME TE HUNGA
RANGATAHI HAUĀ
KI TE WHAKAHAEРЕ
I TE PANONITANGA
PUTA NOA I TE
KĀWANATANGA**

**TE PUTANGA
RAUTAKI**

**TE TARI KŌKIRI
MATUA**

NGĀ HOA PĀTUI

TE ANGAWĀ

I whakatūria he huinga ā-motu te hunga rangatahi hauā ki Te Whare Pāremata i te tau 2019, ko tōna ingoa ko I.Lead. He wāhi tēnei huinga kia whakaputaina e te hunga rangatahi hauā tō rātou reo ki te hunga mahi whakatau ina koa mō ā rātou wero o ia rā, o ia rā. Ka whakamahi Te Tari Mō Ngā Take Hauātanga i ngā tūtohutanga i whakatakotohia ki te huinga, ā, ka haere tonu ngā mahi i te taha o te hunga rangatahi i whai wāhi mai ki te kōrero mō te panonitanga puta noa i te kāwanatanga.

Kei te whai wāhi mai i runga i te wairua kaha te hunga tamariki me te hunga rangatahi

Ka mahi tahi tonu Te Tari Mō Ngā Take Hauātanga ki I.Lead ki te nuku tonu i ngā tūtohutanga kua whakatakotohia e I.Lead ki te kāwanatanga

Te Manatū Hauora, Te Manatū Whakahiato Taiohi me Te Manatū Whakahiato Ora

2021 (haere tonu)

MAHI

**TE WHAKAHOAHOA
ME TE
WHAKATINANA I TE
KAUPAPA 'HEAR ME
SEE ME'**

TE PUTANGA RAUTAKI

**TE TARI KŌKIRI
MATUA**

NGĀ HOA PĀTUI

TE ANGAWĀ

WHAKAMĀRAMA

Ka whakanuia ngā reo o te hunga rangatahi ki te whakanui i te māramatanga ki ō rātou wheako me te nuku i ngā tirohanga o te iwi whānui mō te hunga rangatahi. Kei te whai kia mātua whakarite ka rangona, ka māramatia, ka whakaaetia, ka mutu, he tika hoki te tautoko ki, ngā tamariki me te hunga rangatahi e atawhaingia ana

Ka whakaaetia, ka manaakitia, ka whakahonoa ngā tamariki me te hunga rangatahi

Oranga Tamariki

Te Rōpū Whakawhiti Hinonga Mahere Taiohi

2020

MAHI

**TE WHAKADIKI I
TE KAHA ME TE
ARONUI O TE RĀNGAI
KĀWANATANGA KI TE
HUNGA TAKATĀPUI**

TE PUTANGA RAUTAKI

**TE TARI KŌKIRI
MATUA**

NGĀ HOA PĀTUI

TE ANGAWĀ

WHAKAMĀRAMA

He tautoko i ngā tari kāwanatanga ki te whakapiki i te kaha, te mārama me te mātauranga ki ngā take e whakapā ana ki te hunga taiohi takatāpui me te whakapiki i te urupare o te kāwanatanga ki ngā hapori takatāpui.

Ka whakaaetia, ka manaakitia, ka whakahonoa ngā tamariki me te hunga rangatahi

Te Manatū Whakahiato Taiohi

Te Rōpū Whakawhiti Hinonga Mahere Taiohi

2020

Kua whiwhi raihana tēnei mahi i raro anō i te Creative Commission Attribution 3.0 o Aotearoa. Ko te whakamārama mō tēnā – kei te wātea koe ki te whakakapi, tohatoha, whakarerekē rānei i te tuhinga engari me mātua whakatau koe ki te Karauna, me whai hoki koe i ngā tikanga o te raihana.

Mēnā e hiahia ana koe kia tirohia he kapi o tēnei raihana me toro atu ki <http://creativecommons.org/licenses/by/3.0/nz/>. Me maumahara koa, mehemea ka pirangi koe a whakamahia i te tohu, waitohu rānei a te Karauna, me kaua koe e whati i te Ture Tiaki Haki, Waitohu, Ingoa Hoki o te tau 1981. Ko te whakatau ki te Karauna me mātua tuhi, ā, me kaua e whakatauira i te tohu Karauna, waitohu Karauna rānei.

He mea whakaputa i te Hōngongoi 2020

Te Manatū Whakahiato Taiohi

Pouaka Poutāpeta 1556

Te Whanganui a Tara 6140

Aotearoa

Waea: 0508 367 693

Īmēra: mydinfo@myd.govt.nz

Pae Tukutuku: mydinfo@myd.govt.nz

ISBN: 978-1-99-002325-5



MINISTRY OF
YOUTH DEVELOPMENT
TE MANATŪ WHAKAHIAITO TAIOHI

Administered by the Ministry of Social Development

Te Kāwanatanga o Aotearoa